



Broj: OA - 04-25-266 / 24
Datum: 13.02.2024.g.

Na osnovu člana 8. stav 3. Zakona o principima lokalne samouprave FBiH ("Službene novine FBiH" broj: 49/06 i 51/09) i Odluke o izvršenju budžeta Općine Travnik ("Službene novine Općine Travnik", broj: 26/22), načelnik Općine Travnik donosi

PROGRAM
UTROŠKA SREDSTAVA IZ BUDŽETA OPĆINE TRAVNIK SA BUDŽETSKIH STAVKI:
- "SUFINANSIRANJE VRHUNSKOG SPORTA",
- "POTICAJ IZDAVAŠTVU", TE
- "SUFINANSIRANJE ORGANIZACIJE I ODLASKA NA SMOTRE FOLKLORA" U
2024.g.

1. SUFINANSIRANJE VRHUNSKOG SPORTA

1.1. Podaci o programu

Program utroška sredstava iz budžeta Općine Travnik za "Sufinansiranje vrhunskog sporta" za 2024. godine temelji se na odobrenim sredstvima za ovu namjenu u Budžetu Općine Travnik za 2024. godine na poziciji "Sufinansiranje vrhunskog sporta".

1.2. Raspoloživi iznos

Sredstva za sufinansiranje vrhunskog sporta u 2024. godini iznose 36.000,00 KM.

1.3. Period realizacije Programa

Sredstva namijenjena za podsticaj "Sufinansiranje vrhunskog sporta" sportista i sportskih ekipa, kao i sportista i sportskih ekipa sa invaliditetom, sa područja općine Travnik, realizovat će se do kraja 2024. godine ili do utroška sredstava sa ove budžetske stavke.

1.4. Namjena Programa

Raspoloživa sredstva utrošit će se za sufinansiranje troškova odlaska sportista i sportskih ekipa na državna i međunarodna takmičenja u sljedećim iznosima:

- do 500,00 KM za odlazak na državna takmičenja
- do 1.000,00 KM za odlazak na balkanska takmičenja (Zemlje regiona: Hrvatska, Albanija, Kosovo, Crna Gora, Sjeverna Makedonija, Slovenija i Srbija)
- do 1.500,00 KM za odlazak na Evropska takmičenja
- do 2.000,00 KM za odlazak na Svjetska takmičenja
- do 3.000,00 KM za odlazak na Olimpijske i Paraolimpijske igre

Visina novčane nagrade pojedincu za ostvarene rezultate u parovima iii ekipnoj konkurenciji:

R.BR.	NIVO TAKMIČENJA	I MJESTO	II MJESTO	III MJESTO
1.	SVJETSKO	1500,00	1000,00	500,00
2.	EVROPSKO	1000,00	700,00	500,00

OB 007

Ukoliko jedno lice ostvari više rezultata na istom takmičenju u različitim disciplinama, visina novčane nagrade će se utvrditi na osnovu jednog rezultata i to onog koji je najpovoljniji za aplikanta.

1.5.Pravo učešća u programu

Pravo učešća na Javnom pozivu imaju sportisti i sportske ekipe sa područja općine Travnik koje su članice Sportskog saveza Općine Travnik.

Za sportiste pojedince zahtjev podnosi isključivo sportska ekipa čiji je član.

1.6.Cilj programa

Cilj ovog Programa je pomoć sportistima i sportskim ekipama koje postižu vrhunske rezultate na državnom i međunarodnom rangu takmičenja.

1.7.Aktivnosti

Ovaj program obuhvata sljedeće aktivnosti:

- objavljivanje Javnog poziva
- apliciranje zainteresiranih kandidata i sportskih ekipa uz dostavljanje plana takmičenja
- isplata ugovorenog iznosa prema korisnicima

Program se realizuje od 01.01.2024. godine do 31.12.2024. godine, odnosno do utroška predviđenog iznosa od 36.000,00 KM.

1.8.Dokumentacija

Za ostvarivanje predmetnih podsticaja kandidati uz prijavu na Javni poziv dužni su dostaviti sljedeću dokumentaciju:

- Zahtjev po javnom pozivu
- Rješenje o registraciji sportske ekipe
- Potvrda Sportskog saveza općine Travnik da je ekipa član Saveza
- Plan državnog ili međunarodnog takmičenja
- Ovjerenu izjavu da će nakon završenog takmičenja sportista, odnosno sportska ekipa podnijeti detaljan izvještaj sa održanog takmičenja uz predočenje finansijskih troškova
- Kopija transakcijskog računa

2. "POTICAJ IZDAVAŠTVU"

2.1.Podaci o programu

Program utroška sredstava iz budžeta Općine Travnik za "Poticaj izdavaštvu" za 2024.g.temelji se na odobrenim sredstvima za ovu namjenu u Budžetu Općine Travnik za 2024.g.na poziciji "Poticaj izdavaštvu".

2.2.Raspoloživi iznos

Sredstva za poticaj izdavaštvu u 2024.godini iznose 10.000,00 KM.

2.3.Period realizacije Programa

Sredstva namijenjena za "Poticaj izdavaštvu" i izdavačkim projektima, sa područja općine Travnik, realizovat će se od 01.01.2024. do 31.12. 2024.godine, ili do utroška sredstava sa ove budžetske stavke.

OB 007

2.4. Namjena Programa

Raspoloživa sredstva prema područjima u okviru kojih će se vršiti izbor korisnika iznose kako slijedi:

- I. 5.000,00 KM za oblast Podrška autorima za objavljivanje knjiga,
- II 5.000,00 KM za organizaciju književnih događaja i promocija knjiga i autora

Sredstva za oblast I i II će se dodjeljivati korisnicima u rasponu od 300,00 KM do 1.500,00 KM.

Ukoliko sredstva iz oblasti I ostanu neutrošena, mogu se utrošiti u oblast II, i obrnuto.

2.5. Pravo učešća u program

Pravo učešća na Javnom pozivu imaju izdavači i autori koji rad objavljuju prvi put u 2024. godini.

2.6. Cilj programa

Cilj ovog programa je poticati stvaranje i promociju književnih djela na lokalnom i regionalnom nivou te podržati izdavače i autore u ostvarivanju kvalitetnih izdanja.

2.7. Aktivnosti

Ovaj program obuhvata sljedeće aktivnosti:

- objavljivanje Javnog poziva
- apliciranje zainteresiranih kandidata uz dostavljanje projektnih prijedloga
- isplata ugovorenog iznosa prema korisnicima

Sredstva će biti realizovana u periodu od 01.01.2024. do 31.12. 2024. godine, ili do utroška predviđenog iznosa od 10.000,00 KM.

2.8. Dokumentacija

- zahtjev po javnom pozivu
- rješenje o registraciji izdavačke kuće ili izjavu o autorskim pravima
- detaljan opis izdavačkog projekta, uključujući plan promocije i distribucije
- finansijski plan i troškovnik projekta
- kontakt podaci i broj žiro računa za isplatu sredstava
- ovjerenu izjavu da će nakon završenog projekta, podnijeti detaljan izvještaj uz predočenje finansijskih troškova
- Kopija transakcijskog računa

3. "SUFINANSIRANJE ORGANIZACIJE I ODLASKA NA SMOTRE FOLKLORA"

3.1. Podaci o programu

Program utroška sredstava iz budžeta Općine Travnik za "Sufinansiranje organizacije i odlaska na smotre folklor" za 2024.g. temelji se na odobrenim sredstvima za ovu namjenu u Budžetu Općine Travnik za 2024.g. na poziciji "Sufinansiranje organizacije i odlaska na smotre folklor".

3.2. Raspoloživi iznos

Sredstva za sufinansiranje organizacije folklornih smotri i odlaska na smotre folklor u 2024. godini iznose

10.000,00 KM.

3.3. Period realizacije Programa

Sredstva namijenjena za podsticaj "Sufinansiranje organizacije i odlaska na smotre folklore" sa područja općine Travnik, realizovat će se do kraja 2024. godine, ili do utroška sredstava sa ove budžetske stavke.

3.4. Namjena Programa

Raspoloživa sredstva će se koristiti za sufinansiranje troškova organizacije folklornih manifestacija i odlaska folklornih grupa na različite smotre folklore.

Raspoloživa sredstva prema područjima u okviru kojih će se vršiti izbor korisnika iznose kako slijedi:

- I. 5.000,00 KM za oblast organizacije folklornih smotri,
- II 5.000,00 KM za odlazak na smotre folklore

Sredstva za oblast I će se dodjeljivati korisnicima u rasponu od 300,00 KM do 500,00 KM. Sredstva za oblasti II će se dodjeljivati korisnicima u rasponu:

- a) do 200,00 KM za učešće na lokalnim manifestacijama unutar općine Travnik
- b) do 300,00 KM za učešće na smotrama folkloru unutar Srednjobosanskog kantona
- c) do 1000,00 KM za učešće na smotrama folkloru unutar Bosne i Hercegovine, izvan Srednjobosanskog kantona
- d) do 1500,00 KM za putovanje i učešće na međunarodnim smotrama folkloru

Sufinansiranje organizacije i odlaska na smotre folkloru, aplikant može ostvariti samo jednom po oblasti I i II u toku godine.

3.5. Pravo učešća u programu

Pravo učešća na Javnom pozivu imaju kulturno umjetnička društva sa područja općine Travnik.

Za pojedinačne članove folklornih grupa, prijavu podnosi isključivo voditelj ili predstavnik folklornog društva.

Kulturno umjetnička društva koje su već koristile sredstva Općine Travnik u prethodnoj 2023. godini, a nisu dostavile izvještaj o utrošku sredstava, nemaju pravo sudjelovanja u ovom programu.

3.6. Cilj programa

Cilj ovog programa je poticati očuvanje i promociju tradicijske kulture, poticati učešće kulturno umjetničkih društava u smotrama folkloru te pružiti finansijsku podršku njihovim aktivnostima.

3.7. Aktivnosti

Ovaj program obuhvata sljedeće aktivnosti:

- objavlivanje Javnog poziva
- prijava zainteresiranih kulturno umjetničkih društava uz dostavljanje plana učešća na smotrama
- isplata ugovorenih sredstava prema korisnicima

Program će biti realiziran tokom godine do utroška predviđenog iznosa od 10.000,00 KM, a najkasnije do 31.12.2024. godine.

OB 007

3.8. Dokumentacija

Za ostvarivanje predmetnih podsticaja kandidati uz prijavu na Javni poziv dužni su dostaviti sljedeću dokumentaciju:

- Zahtjev po javnom pozivu
- Plan učešća na smotrama folklor
- Ovjerenu izjavu da će nakon povratka sa smotre folklor podnijeti detaljan izvještaj sa održane manifestacije uz predočenje finansijskih troškova
- Kopija transakcijskog računa

Evaluaciju pristiglih prijava vršit će Komisija, koju će imenovati načelnik Općine Travnik.

Komisija koju imenuje načelnik Općine za odabir korisnika za sufinansiranje sportista i sportskih ekipa, poticaja izdavaštvu te sufinansiranje organizacije i odlaska na smotre folklor će razmatrati pristigle zahtjeve i rezultate odabira objaviti na oglasnim pločama i web stranici Općine Travnik jednom mjesečno, do utroška sredstava.

Isplata poticajnih sredstava će se vršiti putem transakcijskih računa korisnika otvorenih kod poslovnih banaka.

Za realizaciju ovog Programa zadužuje se Služba za razvoj, privredu i vanprivredu.

Ovaj Program stupa na snagu danom donošenja, a objavit će se u Službenim novinama Općine Travnik.

Obradila: Jasmina Fajkić



N A Č E L N I K

dr. sci., Kenan Dautović

OB 007